

ԵՊՀ ԻՄ-ում ստացած կրթությունից շրջանավարտների բավարարվածության հարցման արդյունքների ամփոփում /2014-15 ուստարի/

Հաշվետվություն

2015թ-ի հունիսին ԵՊՀ Իջևանի մասնաճյուղում ամփոփիչ ատեստավորման քննությունների ավարտից հետո անց է կացվել հարցում մասնաճյուղի հեռակա ուսուցման բաժնի շրջանավարտների շրջանում: Հարցման **նպատակն էր ուսումնասիրել** ԵՊՀ ԻՄ-ի շրջանավարտների բավարարվածությունը.

1. կրթական ծրագրերի բովանդակությունից, ուսուցման մեթոդաբանությունից,
2. ուսումնական գործընթացի կազմակերպումից,
3. ուսումնառության ռեսուրսներից,
4. օժանդակ ծառայություններից,
5. համալսարանական միջավայրից,

քաջահայտել նրանց կարծիքը կոռուպցիայի դրսևորումների վերաբերյալ, **պարզել** նրանց ընդհանուր գնահատականը ԵՊՀ ԻՄ-ում ստացած կրթությունից:

Այդ հարցման **խնդիրներ են**.

1. **Գնահատել** շրջանավարտների բավարարվածությունը ուսումնառության ընթացքում ստացած տեսական գիտելիքների մակարդակից, ձեռք բերած գործնական հմտություններից և կարողություններից,
2. **Գնահատել** նրանց բավարարվածությունը պրակտիկաներից ձեռք բերած մասնագիտական գիտելիքներից, գործնական հմտություններից,
3. **Գնահատել** բավարարվածությունը բուհում գործող գիտելիքների գնահատման համակարգի և ամփոփիչ ատեստավորման (ամփոփիչ քննության, ավարտական աշխատանքների և մագիստրոսական թեզերի պաշտպանության) օբյեկտիվությունից,
4. **Գնահատել** բավարարվածությունը ուսումնական ռեսուրսների՝ լսարանների, համակարգչային սրահների, ուսումնական լաբորատորիաների, գրադարանի և ընթերցասրահի առկայությունից, մատչելիությունից, հարմարավետությունից և հագեցվածությունից, համացանցի արագությունից,
5. **Գնահատել** շրջանավարտների բավարարվածությունը մասնաճյուղի, ֆակուլտետների ղեկավարությունից, պրոֆեսորադասախոսական կազմից, ուսանողական կառույցներից,
6. **Պարզել** շրջանավարտների տեղեկացվածությունը օժանդակ ծառայությունների՝ Կարիերային նպաստող, խորհրդատվական, իրավունքների և շահերի պաշտպանության համար պատասխանատու մարմնի, վարչական, բուժկետի և անվտանգության պահպանմանն ուղղված ծառայությունների գործունեությունից, **գնահատել** այդ ծառայություններից օգտվելու և բավարարված լինելու աստիճանը,
7. **Պարզել** շրջանավարտների դիմումների և բողոքների, կրթական կարիքների վեր հանման և բավարարման ընթացակարգերի և մեխանիզմների աշխատանքի արդյունավետությունը,
8. **Պարզել** կոռուպցիոն երևույթների առկայության փաստեր,
9. իսկ ամենակարևորը, **պարզել**, թե շրջանավարտների որ մասը խորհուրդ կտա իր բարեկամներին և հարազատներին ընդունվել ԵՊՀ ԻՄ, ինչն ըստ էության կպարզի տարածաշրջանում մեր բուհի հեղինակությունը և պահանջվածությունը:

Ընթացիկ հարցումն անց է կացվել 2014թ.վերանայված և համալրված հարցաշարով:

Հարցման անցկացման և հարցման արդյունքների հաշվառման գործում ՄԿՈԱ բաժնին աջակցել է հեռակա ուսուցման բաժինը: Բաժնի աշխատակիցները իրականացրել են 184 շրջանավարտների լրացրած հարցաթերթերի տվյալների ներմուծում համապատասխան տվյալների բազա:

Ուսման ձևը	Ընդամենը	Ուսանողների քանակը					
		Բ/Բ	ԿՄՖ	ՀԼԳ	Մ/Հ	Պատմ.	Տնտ.
հեռակա	184	18	18	33	40	34	41

Ապա ՄԿՈԱ բաժնում կատարվել է.

- այդ տվյալների մշակում և վերլուծություն ըստ մասնագիտությունների,
- 2010-11, 2012-13 ուստարիների շրջանավարտների հարցման արդյունքների հետ համեմատական վերլուծություն:

Մշակված տվյալները կներկայացնենք աղյուսակների և դիագրամների միջոցով: Նշենք, որ մշակված տվյալները կտեղադրվեն մասնաճյուղի էլ. Կայքի “Որակի կառավարման գործընթացներ” բաժնում: Բոլոր մշակված տվյալները, և շրջանավարտների առաջարկները կուղարկվեն ֆակուլտետներ և հեռակա ուսուցման բաժին: Այդ տվյալները ցանկալի է, որ ուսումնասիրվեն և կատարվեն համապատասխան հետևություններ, և նպաստեն ուսումնական գործընթացի, կրթական ծրագրերի և ռեսուրսների հետագա բարելավմանը:

Հարցման արդյունքները ներկայացնենք հարցաթերթի բաժիններին համապատասխան, խմբավորված ըստ իրենց ուղղվածության:

1. Հարցմանը մասնակցած հեռակա ուսուցման բաժնի 184 շրջանավարտներից 29-ը պատրաստվում են շարունակել իրենց ուսումը, որը ողջունելի փաստ է հեռակա ուսուցման համակարգում սովորողների համար

1.5	Պատրաստվում ե՞ք շարունակել Ձեր ուսումը	29		4	4	7	10	4
	Հարց	Հաշվեկշիռ	Բ/Բ	ԿՄՖ	ՀԼԳ	Մ/Հ	Պատմ	Տնտ
1.5	Պատրաստվում ե՞ք շարունակել Ձեր ուսումը	15,8%	0,0%	22,2%	12,1%	17,5%	29,4%	9,8%

ընդ որում հարկ է նշել, որ անցած ուսումնական տարվա արդյունքներն ադ առումով այնքան էլ գոհացուցիչ չեն եղել,


Պատրաստվում ե՞ք շարունակել Ձեր ուսումը												
Թիվ	ուս.տարի	Հաշվեկշ.	Անգլ	Կ/Ա	ԿՄՖ	Բ/Բ	ՀԼԳ	Մ/Հ	Պատմ	Սերվիս	Տնտ	ՖբԼ
1	2011-12	32,4%	36,4%		42,3%	42,9%	24,0%	33,3%	35,5%	12,0%	35,7%	36,4%
2	2013-14	28,1%	53,6%	15,4%	36,0%	0,0%	28,6%	18,3%	26,4%	15,0%	30,0%	75,0%
3	2014-15	15,8%			22,2%	0,0%	12,1%	17,5%	29,4%		9,8%	

հետևաբար այստեղ մասնաճյուղը, ֆակուլտետները խնդիր ունեն պարզելու շրջանավարտների մոտ ուսումը շարունակելու ցանկության նվազման պատճառները:


2. Շրջանավարտների բավարարվածությունը կրթական ծրագրերի բովանդակությունից, ուսուցման մեթոդաբանությունից և ուսումնական գործընթացի կազմակերպումից

Այս բաժինը վերլուծելու համար հարցերը խմբավորվել են ըստ ուղղավորվածությունների.


ա) Վերլուծվել է շրջանավարտների բավարարվածությունը ուսումնառության ընթացքում ձեռք բերած տեսական գիտելիքների, գործնական հմտությունների և կարողությունների, մասնագիտական կոմպետենցիաների ձևավորման մակարդակից: Ըստ մասնագիտությունների այն ունի հետևյալ պատկերը.



Միջին գնահատականները վկայում են, որ մեր շրջանավարտները բավարարված են իրենց ձեռք բերած տեսական գիտելիքներից (4.57) և մասնագիտական կարողություններից (4.51), սակայն նրանք գտնում են, որ ԵՊՀ ԻՄ-ում մատուցվող դասընթացները այնքան էլ չեն օժանդակում մասնագիտական կոմպետենցիաների ձևավորմանը (միջին գնահատականը 4.37)՝ համեմատած գիտելիքների ձեռք բերման հետ:




Նախորդ ուստարիների հետ համեմատումն ունի հետևյալ պատկերը և այն վկայում է բոլոր պարամետրերով աճի մասին:




բ) Շրջանավարտների բավարարվածությունը պրակտիկայից

Ներկայացնում ենք պրակտիկայից շրջանավարտների բավարարվածության գնահատականներն ըստ մասնագիտությունների: Նրանք արտահայտել են իրենց բավարարվածությունը պրակտիկաների միջոցով մասնագիտական որակների, գիտելիքների և գործնական հմտությունների ձեռք բերման և ամրապնդման մակարդակի վերաբերյալ: Հարկ է նշել, որ մի քանի մասնագիտությունների գծով այդ արդյունքները գոհացուցիչ չեն: Մասնավորապես «Մանկավարժություն և հոգեբանություն» մասնագիտության հեռակա ուսուցման բաժնի շրջանավարտները բավարարված չեն պրակտիկայի միջոցով մասնագիտական որակների ձևավորման, գիտելիքների, առավել ևս գործնական հմտությունների ամրապնդման մակարդակից, ինչը մասնագիտական ամբիոնի առջև լուրջ խնդիրներ է դնում, որպեսզի նրանք վերանայեն պրակտիկաների կազմակերպման իրենց մեթոդաբանությունը և թեմատիկան:



Չնայած այդ ամենին, նախորդ ուստարիների համեմատ պրակտիկայից բավարարվածության միջին միավորը էապես բարելավվել է (ըստ հաշվետու ուստարում՝ միայն հեռակա ուսուցման համակարգի տվյալների):



Նշենք, որ հարցման բոլոր արդյունքներն ըստ հարցաթերթում ընդգրկված բոլոր հարցերի մանրամասն ներկայացված են հատուկ կազմված ամփոփ տեղեկագրի մեջ:

Այդ հարցումների արդյունքներով շրջանավարտներն ընդհանուր առմամբ բավարարված են մասնաճյուղի ուսումնառության ռեսուրսներից, լսարաններից, լաբորատորիաներից, համակարգչային սրահներից, նրանց կահավորանքից, մատչելիությունից (բարձր է 4.20-ից), համացանցի մատչելիությունից և արագությունից (բարձր է 4.53-ից), գրադարանի և ընթերցասրահի հագեցվածությունից, կահավորանքից և աշխատաժամերից (4.40-4.72):

Շրջանավարտների բավարարվածությունը կարիերային նպաստող, խորհրդատվական, իրավունքների և շահերի պաշտպանության մարմնի, վարչական, բուժկետի, անվտանգության պահպանմանն ուղղված ծառայություններից ներկայացնենք հետևյալ ամփոփ աղյուսակով.

	Ծառայության անունը	Տեղեկացված էք	Օգտվում էք	Որքանով էք բավարարված
1.	կարիերային նպաստող	58.7%	45.7%	79%
2.	խորհրդատվական	68.5%	59.8%	81.3%
3.	Իրավունքների և շահերի պաշտպանության համար պատասխանատու մարմին	74,5%	56,0%	83,3%
4.	Վարչական	69,6%	54,9%	86,0%
5.	Բուժկետ	71,2%	53,3%	86,6%
6.	Անվտանգության պահպանում	72,8%	54,9%	88,4%


Այս տվյալները մասնաճյուղի համար բացում են կարևոր մի խնդիր, որ մասնաճյուղում կարիերային նպաստող ծառայությունների աշխատանքը պետք է ակտիվացնել:

Կային հարցեր, որոնց միջոցով անհրաժեշտություն կար գնահատելու շրջանավարտների բավարարվածությունը մասնաճյուղի ղեկավարությունից, ֆակուլտետի ղեկավարությունից, պրոֆեսորադասախոսական անձնակազմից, ուսանողական կառույցների (ՈԻԽ, ՈԻԳԸ) աշխատանքից,

	Բավարարվածությունը.	Միջ. հաշվեկշիռը
1	ԵՊՀ ԻՄ ղեկավարությունից	95.3%
2	Ֆակուլտետի ղեկավարությունից	96.6%
3	Պրոֆեսորադասախոսական անձնակազմից	96.0%
4	Ուսանողական կառույցների (ՈԻԽ, ՈԻԳԸ) աշխատանքից	91.3%

Հաշվետու ուստարվա հարցման մեջ վերլուծման տեսանկյունից էական նշանակություն ունի ուսանողական կարիքների վերհանման հնարավորությունների, այդ կարիքների լուծման մակարդակի վերաբերյալ հարցերը: Ըստ հարցման արդյունքների շրջանավարտների 92.3%-ը գտնում է, որ իրենց հնարավորություն է տրվում վեր հանել իրենց կրթական կարիքները և 91.5%-ը գտնում է, որ իրենց վեր հանած կարիքները բավարարվում են:

Եվ վերջապես, նշենք, որ շրջանավարտները մասնաճյուղում ստացած իրենց կրթությունը գնահատում են միջին 4.65 միավորով, ընդ որում ամենաբարձր գնահատական տվել են «Պատմություն» մասնագիտության շրջանավարտները (միջ. միավորը՝ 4.79), իսկ ամենացածր գնահատականը՝ «Բնապահպանություն և բնօգտագործում» մասնագիտության շրջանավարտները (4.33), թեպետ որպես արդյունք դա նույնպես վատ չէ: Համեմատական պատկերը նախորդ ուստարիների նկատմամբ հետևյալն է.



«Խորհուրդ կտա՞ք Ձեր մերձավորներին և ընկերներին ընդունվել ԵՊՀ ԻՄ» հարցին մասնակիցների 91.8% -ը դրական պատասխան է տվել (նախորդ ուստարի՝ 89.8%):

Հարցաթերթը պարունակել է նաև բաց հարցեր, որոնց արդյունքները խմբագրվել են և հարկ է նշել, որ ըստ պատասխանների շրջանավարտներին դուր է եկել դասախոսական կազմը և նրանց կողմից տրվող գիտելիքները, նրանց բարձր մակարդակը, վերաբերմունքը և տրամադրվածությունը, անաչառությունը, նվիրվածությունը, կիրառվող ուսուցման մեթոդները և ներկայացնելու ձևը, մասնաճյուղի աշխատակիցները և նրանց համախմբվածությունը, մատչելի ուսուցումը և բնակավայրին մոտ լինելը: Իսկ թե ինչ կցանկանային փոխել մասնաճյուղում, հարցման մասնակիցները նշել են. ավելացնել գործնական պարապմունքների քանակը և ժամաքանակը, համալրել գրադարանի գրքերի ցանկը, ավելի մատչելի դառննել անապահով ընտանիքների ուսանողների ուսման վարձերը, հասնել հեռակա ուսուցման բաժնում թեստային համակարգը: Նրանք արտահայտել էին իրենց կարծիքները և գրել մի շարք առաջարկություններ: Շրջանավարտները գտնում են, որ այս աշխատանքի համար դասախոսները շատ քիչ են վարձատրվում, իրենց շնորհակալությունն են արտահայտում ամբողջ պրոֆեսորադասախոսական անձնակազմին, առաջարկում են ավելացնել քննություններին պատրաստվելու ժամանակը, նորմավորել քննությունների և ստուգումների միջև ընկած ժամանակահատվածը և այլն:

Ամփոփելով հարցման արդյունքները նշենք, որ դրանք օգնելու են համապատասխան կառույցներին իրենց հետագա աշխատանքներում: Վերանայվելու են որոշ գործընթացներ, ծրագրեր, մեթոդներ, որպեսզի շրջանավարտները ստանան բարձր ուսումնառություն և բավարարված լինեն թե մասնաճյուղում ստացած կրթությունից, թե ուսումնական միջավայրից, և թե բոլոր ծառայությունների աշխատանքից ու ղեկավարումից:

Հարցման ամբողջական արդյունքները տեղադրվելու են մասնաճյուղի պաշտոնական կայք-էջում:

Մասնագիտական կրթության որակի ապահովման բաժին

20.06.2015թ.